

## REGLUGERÐ FRAMKVÆMDNNAR (EB) nr. 1788/2001

2005/EES/27/36

Frá 7. september 2001

**Þar sem mælt er fyrir um ítarlegar reglur um framkvæmd ákvæðanna er varða skoðunarvottorð vegna innflutnings frá þriðju löndum skv. 11. gr. reglugerðar ráðsins (EBE) nr. 2092/91 um lífræna framleiðslu landbúnaðarafurða og merkingar þar að lútandi á landbúnaðarafurðum og matvælum (\*)**

FRAMKVÆMDASTJÓRN EVRÓPUBANDALAGANNA  
HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EBE) nr. 2092/91 frá 24. júní 1991 um lífræna framleiðslu landbúnaðarafurða og merkingar þar að lútandi á landbúnaðarafurðum og matvælum <sup>(1)</sup>, eins og henni var síðast breytt með reglugerð framkvæmdastjórnarinnar (EB) nr. 436/2001 <sup>(2)</sup>, einkum b-lið 3. mgr. og 4. mgr. 11. gr.,

og að teknu tilliti til eftirfarandi:

- 1) Nauðsynlegt er að ákveða aðferð til að samræma innan Bandalagsins tiltekið eftirlit með framleiðsluvörum sem eru fluttar inn frá þriðju löndum og ber að markaðssetja með merkingum þar sem tilgreind er lífræn framleiðsluáferð.
- 2) Að því er varðar framleiðsluvörur sem eru fluttar inn samkvæmt aðferðinni sem kveðið er á um í 1. mgr. 11. gr. reglugerðar (EBE) nr. 2092/91 kemur fram í þeirri grein hvaða upplýsingar eiga að vera í skoðunarvottorðinu. Að því er varðar framleiðsluvörur sem eru fluttar inn samkvæmt aðferðinni sem kveðið er á um í 6. mgr. 11. gr. reglugerðar (EBE) nr. 2092/91 fyrirfinnst ekkert slíkt ákvæði. Því er nauðsynlegt að rýmka notkun vottorðsins þannig að það taki til framleiðsluvara sem eru fluttar inn skv. 6. mgr. 11. gr. til að tryggja sé að þessar framleiðsluvörur hafi verið framleiddar samkvæmt framleiðslureglum sem eru sambærilegar við þær sem mælt er fyrir um í 6. gr. reglugerðar (EBE) nr. 2092/91, að framleiðsluvörurnar hafi verið skoðaðar á jafn skilvirknan hátt og um getur í 8. og 9. gr. og að slíkum eftirlitsráðstöfunum hafi verið beitt að staðaldri á árangursríkan hátt í viðkomandi þriðja landi.
- 3) Með reglugerð framkvæmdastjórnarinnar (EBE) nr. 3457/92 <sup>(3)</sup> er tekið upp skoðunarvottorð vegna framleiðsluvara sem eru fluttar inn frá þriðju löndum samkvæmt ákvæðunum sem mælt er fyrir um í 1. mgr. 11. gr. reglugerðar (EBE) nr. 2092/91. Til glöggvunar kemur þessi reglugerð í stað téðrar reglugerðar (EBE) nr. 3457/92.
- 4) Reglugerð þessi gildir með fyrirvara um eftirlitskerfi 8. og 9. gr. reglugerðar (EBE) nr. 2092/91 og B- og C-þáttar í III. viðauka við hana.
- 5) Reglugerð þessi gildir með fyrirvara um tollákvæði Bandalagsins og öll önnur ákvæði um innflutning framleiðsluvara, sem um getur í 1. gr. reglugerðar

(EBE) nr. 2092/91 og eru ætlaðar til markaðssetningar í Bandalaginu.

- 6) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem um getur í 14. gr. reglugerðar (EBE) nr. 2092/91.

SAMÞYKKT REGLUGERÐ ÞESSA:

1. gr.

1. Í þessari reglugerð eru settar ítarlegar reglur um skoðunarvottorð, sem er áskilið skv. b-lið 1. mgr. og 3. mgr. 11. gr. reglugerðar (EBE) nr. 2092/91, og um afhendingu slíks vottorðs vegna innflutnings sem er í samræmi við ákvæði 6. mgr. 11. gr. í þeirri reglugerð.

2. Reglugerð þessi gildir ekki um framleiðsluvörur sem:

— ekki eru ætlaðar til að setja í frjálsa dreifingu í Bandalaginu, hvort sem er í óbreyttu ástandi eða eftir vinnslu,

— eru fluttar inn tollfrjálst í samræmi við reglugerð ráðsins (EBE) nr. 918/83 <sup>(4)</sup> um fyrirkomulag Bandalagsins varðandi undantekningar frá tollgjöldum. Reglugerðin gildir þó um framleiðsluvörur sem eru fluttar inn tollfrjálst í samræmi við 39. og 43. gr. reglugerðar (EBE) nr. 918/83.

2. gr.

Í þessari reglugerð er merking eftirfarandi hugtaka sem hér segir:

1. „skoðunarvottorð“: skoðunarvottorð sem tekur til vörusendingar og kveðið er á um í b-lið 1. mgr. 11. gr. reglugerðar (EBE) nr. 2092/91 og 3. og 4. gr. og I. viðauka við þessa reglugerð,

2. „vörusending“: magn framleiðsluvara samkvæmt einu eða fleiri númerum sameinuðu tollnafnaskrárinnar sem falla undir eitt skoðunarvottorð, eru fluttar með sama flutningatæki og koma frá sama þriðja landi,

3. „sannprófun vörusendingar“: sannprófun viðkomandi yfirvalda aðildarríkis á því að skoðunarvottorð uppfylli ákvæði 2. mgr. 4. gr. og, telji yfirvöldin það eiga við, að framleiðsluvörurnar standist kröfur í reglugerð (EBE) nr. 2092/91,

(\*) Þessi EB-gerð birtist í Stjtið. EB L 243, 13.9.2001, bls. 3. Hennar var getið í ákvörðun sameiginlegu EES-nefndarinnar nr. 87/2003 frá 11. júlí 2003 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá EES-viðbæti við Stjórnartíðindi Evrópusambandsins nr. 54, 23.10.2003, bls. 1.

<sup>(1)</sup> Stjtið. EB L 198, 22.7.1991, bls. 1.

<sup>(2)</sup> Stjtið. EB L 63, 3.3.2001, bls. 16.

<sup>(3)</sup> Stjtið. EB L 350, 1.12.1992, bls. 56.

<sup>(4)</sup> Stjtið. EB L 105, 23.4.1983, bls. 1.

4. „setja í frjálsa dreifingu í Bandalaginu“: heimild sem tollyfirvöld veita til frjálsra flutninga á vörusendingu í Bandalaginu,
5. „viðkomandi yfirvöld aðildarríkis“: tollyfirvöld eða önnur yfirvöld sem aðildarríkið tilnefnir.

3. gr.

Ákvæði b-liðar 1. mgr. 11. gr. varðandi kröfur um útgáfu skoðunarvottorðs og ákvæði 3. mgr. 11. gr. reglugerðar (EBE) nr. 2092/91 gilda þegar framleiðsluvörur, sem um getur í 1. gr. reglugerðar (EBE) nr. 2092/91, eru settar í frjálsa dreifingu í Bandalaginu, óháð því hvort þær eru fluttar inn til markaðssetningar skv. 1. eða 6. mgr. 11. gr. þeirrar reglugerðar.

4. gr.

1. Sendingu af framleiðsluvörum, sem um getur í 1. gr. reglugerðar (EBE) nr. 2092/91, er eingöngu hægt að setja í frjálsa dreifingu:

- a) þegar upprunalegt skoðunarvottorð hefur verið afhent viðkomandi yfirvaldi aðildarríkis, og
- b) þegar viðkomandi yfirvald aðildarríkis hefur sannprófað vörusendinguna og skoðunarvottorðið hefur verið áritað í samræmi við 11. mgr.

2. Upprunalegt skoðunarvottorð skal vera í samræmi við eftirfarandi 3. til 10. mgr. og í samræmi við fyrirmynd og athugasemdir í I. viðauka.

3. Skoðunarvottorðið skal gefið út hjá:

- a) yfirvaldi eða stofnun í því þriðja landi sem er tilgreint sem viðkomandi þriðja land í viðaukanum við reglugerð framkvæmdastjórnarinnar (EBE) nr. 94/92 <sup>(1)</sup>, eða
- b) yfirvaldi eða stofnun sem heimilt er að gefa út skoðunarvottorð samkvæmt málsmeðferðinni sem mælt er fyrir um í 6. mgr. 11. gr. reglugerðar (EBE) nr. 2092/91.

4. Yfirvald eða stofnun, sem gefur út skoðunarvottorð, skal:

- a) eingöngu gefa út skoðunarvottorð og undirrita yfirlýsinguna í reit 15 eftir að yfirvaldið eða stofnunin hefur sannprófað skjöl á grundvelli allra tilskilinna skoðunarskjala, einkum framleiðsluáætlunar um viðkomandi framleiðsluvörur, flutningsskjala og viðskiptaskjala og eftir að yfirvaldið eða stofnunin hefur annaðhvort annast eftirlit með ástandi viðkomandi vörusendingar, áður en hún fer frá þriðja sendingarlandi, eða hefur fengið beina yfirlýsingu frá útflytjanda um að viðkomandi vörusending sé framleidd og/eða hafi verið undirbúin í samræmi við ákvæðin sem viðkomandi yfirvald eða stofnun beitir við innflutning og markaðssetningu í Evrópubandalaginu á framleiðsluvörum sem um getur í 1. gr. reglugerðar (EBE) nr. 2092/91 í samræmi við 1. eða 6. mgr. 11. gr. þeirrar reglugerðar,

- b) setja raðnúmer á hvert útgefið vottorð og halda skrá yfir vottorð sem eru afhent.

5. Skoðunarvottorðið skal vera á einu af opinberum tungumálum Bandalagsins og eingöngu vera, að frátöldum stimplum og undirritunum, annaðhvort með hástöfum eða vélritað.

Skoðunarvottorðið skal helst vera á einu af opinberum tungumálum viðtökuaðildarríkisins. Ef nauðsyn ber til geta viðkomandi yfirvöld aðildarríkisins óskað eftir því að skoðunarvottorðið verði þýtt á eitt af opinberum tungumálum í því aðildarríki.

Vottorð er ógilt ef óvottaðar breytingar eða útstrikanir eiga sér stað.

6. Skoðunarvottorðið skal vera í einu eintaki.

Fyrsta viðtakanda eða innflytjanda, ef við á, er þó heimilt að taka afrit af skoðunarvottorði í því skyni að veita skoðunaryfirvaldi eða -aðila upplýsingar í samræmi við 3. lið C-þáttar III. viðauka við reglugerð (EBE) nr. 2092/91. Á öll slík afrit skal prenta eða stimpla orðið „AFRIT“ eða „EFTIRRIT“.

7. Í reit 16 á skoðunarvottorðinu í b-lið 3. mgr. skal vera, þegar vottorðið er lagt fram í samræmi við 1. mgr., yfirlýsing lögbærs yfirvalds í aðildarríkinu þar sem leyfi er veitt samkvæmt málsmeðferðinni í 6. mgr. 11. gr. reglugerðar (EBE) nr. 2092/91.

8. Lögbært yfirvald í aðildarríkinu, þar sem leyfi er veitt, getur veitt skoðunaryfirvaldinu eða -aðilanum, sem hefur eftirlit með innflytjandanum í samræmi við 8. og 9. gr. reglugerðar (EBE) nr. 2092/91, umboð til að tilgreina yfirlýsinguna í reit 16 eða þeim yfirvöldum sem eru tilnefnd yfirvöld viðkomandi aðildarríkis.

9. Ekki þarf að setja yfirlýsingu í reit 16:

- a) ef innflytjandi leggur fram frumskjal, sem lögbært yfirvald aðildarríkis, sem veitir leyfi í samræmi við 6. mgr. 11. gr. reglugerðar (EBE) nr. 2092/91, gefur út, og sýnir fram á að vörusendingin falli undir það leyfi, eða
- b) ef yfirvald aðildarríkis, sem veitir leyfið í 6. mgr. 11. gr., rökstyður milliliðalaust á fullnægjandi hátt gagnvart yfirvaldinu sem annast sannprófun vörusendingar, að vörusendingin falli undir það leyfi. Það er undir aðildarríkinu, sem veitir leyfið, komið að beita þessari aðferð til að veita upplýsingar með beinum hætti.

10. Í skjalinu með rökstuðningnum, sem krafist er í a- og b-lið 9. mgr., skal vera:

- tilvísunarnúmer innflutningsleyfis og síðasti gildisdagur leyfis,
- nafn og heimilisfang innflytjanda,
- þriðja upprunaland,
- upplýsingar um útgáfustofnun eða –yfirvald og, sé ekki um sömu aðila að ræða, upplýsingar um skoðunaraðila eða –yfirvald í þriðja landi,
- heiti viðkomandi framleiðsluvara.

<sup>(1)</sup> Stjótt. EB L 11, 17.1.1992, bls. 14.

11. Við sannprófun á sendingu framleiðsluvara, sem um getur í 1. gr. reglugerðar (EBE) nr. 2092/91, skal viðkomandi yfirvald aðildarríkis árita reit 17 í upprunalega skoðunarvottorðinu sem síðan er afhent einstaklingnum sem lagði fram vottorðið.

12. Þegar fyrsti viðtakandi tekur við sendingunni skal hann fylla út reit 18 á frumriti skoðunarvottorðsins til að votta að tekið hafi verið við sendingunni í samræmi við 7. lið C-þáttar III. viðauka við reglugerð (EBE) nr. 2092/91.

Fyrsti viðtakandi sendir því næst frumrit vottorðsins til innflytjanda, sem um getur í reit 11 á vottorðinu, til að fullnægja kröfu a-liðar 3. mgr. 11. gr. reglugerðar (EBE) nr. 2092/91, nema vottorðið eigi að fylgja sendingunni áfram við undirbúning eins og um getur í 1. mgr. 5. gr. þessarar reglugerðar.

#### 5. gr.

1. Ef sending frá þriðja landi, sem enn hefur ekki verið sett í frjálsa dreifingu í Bandalaginu, er, í samræmi við frestun á tollafgreiðslu samkvæmt reglugerð ráðsins (EBE) nr. 2913/92<sup>(1)</sup> um setningu tollareglu Bandalagsins, ætluð til undirbúnings í aðildarríki, eins og skilgreint er í 3. mgr. 4. gr. reglugerðar (EBE) nr. 2092/91 og sem má fara fram skv. 1. mgr. 522. gr. og iv-lið a-liðar 1. mgr. 552. gr. reglugerðar framkvæmdastjórnarinnar (EBE) nr. 2454/93<sup>(2)</sup> um framkvæmdarákvæði vegna reglugerðar (EBE) nr. 2913/92, verður að beita þeim ráðstöfunum, sem um getur í 1. mgr. 4. gr. í þessari reglugerð, í tengslum við þessa sendingu áður en undirbúningur fer fram.

Undirbúningur getur m.a. verið:

- pökkun eða endurpökkun, eða
- merkingar í því skyni að tilgreina lífræna framleiðslu- aðferð.

Að undirbúningi loknum skal áritað frumrit skoðunarvottorðs fylgja sendingunni og skal sýna það viðkomandi yfirvaldi aðildarríkis til að hægt sé að staðfesta að skilyrði 1. mgr. 4. gr. séu uppfyllt áður en sendingin er sett í frjálsa dreifingu.

Því næst skal, ef við á, skila frumriti skoðunarvottorðs til innflytjanda sendingar, sem er tilgreindur í reit 11 á vottorðinu, til að fullnægja kröfu a-liðar 3. mgr. 11. gr. reglugerðar (EBE) nr. 2092/91.

2. Ef sending frá þriðja landi, sem enn hefur ekki verið sett í frjálsa dreifingu í Bandalaginu, er í samræmi við frestun á tollafgreiðslu samkvæmt reglugerð ráðsins (EBE) nr. 2913/92 ætluð til skiptingar í mismunandi framleiðslulotur í aðildarríki verður að beita þeim ráðstöfunum, sem um getur í 1. mgr. 4. gr. í þessari reglugerð, í tengslum við þessa sendingu áður en skiptingin fer fram.

Fyrir hverja framleiðslulotu, sem verður til við skiptingu, skal afhenda viðkomandi yfirvaldi aðildarríkisins útdrátt úr skoðunarvottorði sem er í samræmi við fyrirmynd og athugasemdir í II. viðauka. Yfirvaldi viðkomandi aðildarríkis ber að árita reit 14 á útdrætti úr skoðunarvottorðinu.

Einstaklingurinn, sem er upprunalegur innflytjandi sendingar og tilgreindur í reit 11 á skoðunarvottorðinu, skal

geyma eintak af hverjum árituðum útdrætti ásamt upprunalega skoðunarvottorðinu. Á slíkt afrit skal prenta eða stimpla orðið „AFRIT“ eða „EFTIRRIT“.

Að skiptingu lokinni skal áritað frumrit hvers útdráttar úr skoðunarvottorðinu fylgja viðkomandi framleiðslulotu og skal sýna það viðkomandi yfirvaldi aðildarríkisins til að hægt sé að staðfesta að skilyrði 1. mgr. 4. gr. hafi verið uppfyllt áður en sendingin er sett í frjálsa dreifingu.

Þegar viðtakandi tekur við framleiðslulotu skal hann fylla út reit 15 á frumriti útdráttar úr skoðunarvottorðinu til að votta að tekið hafi verið við henni í samræmi við 6. lið B-þáttar III. viðauka við reglugerð (EBE) nr. 2092/91.

Viðtakandi framleiðslulotu skal hafa útdrátt úr skoðunarvottorði tiltækan handa skoðunaraðila og/eða skoðunaryfirvaldi eigi skemur en í tvö ár.

3. Undirbúningur og skipting, sem um getur í 1. og 2. mgr., skal fara fram í samræmi við viðkomandi ákvæði 8. og 9. gr. reglugerðar (EBE) nr. 2092/91 og viðkomandi ákvæði B- og C-þáttar III. viðauka við hana. Undirbúningurinn og skiptingin skal einnig fara fram skv. 5. gr. reglugerðar (EBE) nr. 2092/91.

#### 6. gr.

Skilyrði fyrir því að setja framleiðsluvörur, sem fullnægja ekki kröfum í reglugerð (EBE) nr. 2092/91, í frjálsa dreifingu í Bandalaginu er að merkingar, þar sem lífræn framleiðsluáðferð er tilgreind, séu teknar af merkimiðum, úr auglýsingum og fylgiskjölum, sbr. þó ráðstafanir eða aðgerðir, sem gripið er til í samræmi við 9. mgr. 9. gr. og/eða 10. gr. a í áðurnefndri reglugerð.

#### 7. gr.

Viðkomandi yfirvöld aðildarríkisins og yfirvöld í þeim aðildarríkjum, sem bera ábyrgð á framkvæmd reglugerðar (EBE) nr. 2092/91, skulu, ásamt skoðunaryfirvöldum og skoðunaraðilum, aðstoða hvert annað við beitingu þessarar reglugerðar.

Fyrir 1. apríl 2002 skulu aðildarríkin tilkynna hvert öðru og framkvæmdastjórninni um yfirvöld sem þau hafa tilnefnt með skírskotun til 5. mgr. 2. gr., umboð sem þau hafa veitt með tilliti til framkvæmdar 8. mgr. 4. gr. og aðferðir sem kann að hafa verið beitt skv. b-lið 9. mgr. 4. gr. Aðildarríkin skulu uppfæra þessar upplýsingar í hvert sinn sem breytingar eru gerðar.

<sup>(1)</sup> Stjttíð. EB L 302, 19.10.1992, bls. 1.

<sup>(2)</sup> Stjttíð. EB L 253, 11.10.1993, bls. 1.

8. gr.

Reglugerð framkvæmdastjórnarinnar (EBE) nr. 3457/92 falli úr gildi 1. júlí 2002.

9. gr.

Reglugerð þessi öðlast gildi á sjöunda degi eftir að hún birtist í *Stjórnartíðindum Evrópubandalaganna* og gildir frá 1. júlí 2002.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 7. september 2001.

*Fyrir hönd framkvæmdastjórnarinnar,*

Franz FISCHLER

*framkvæmdastjóri.*

*I. VIÐAUKI*

**FYRIRMYND AÐ SKOÐUNARVOTTORÐI VEGNA INNFLUTNINGS Á LÍFRÆNUM FRAMLEIÐSLUVÖRUM TIL  
EVROPUBANDALAGSINS**

Fyrirmynd að vottorði er ákvörðuð með tilliti til:

- texta,
- sniðs, á einni síðu,
- útlits og stærðar einstakra reita.

## EVROÞUBANDALAGIÐ — SKOÐUNARVOTTORÐ VEGNA INNFLUTNINGS Á LÍFRÆNUM FRAMLEIÐSLUVÖRUM

1. Útgáfustofnun eða -yfirvald (nafn og heimilisfang)	2. Reglugerð ráðsins (EBE) nr. 2092/91 og reglugerð framkvæmdastjórnarinnar (EB) nr. 1788/2001 1. mgr. 11. gr. <input type="checkbox"/> eða 6. mgr. 11. gr. <input type="checkbox"/>	
3. Raðnúmer skoðunarvottorðs	4. Tilvísunarnúmer leyfis skv. 6. mgr. 11. gr.	
5. Útflytjandi (nafn og heimilisfang)	6. Skoðunaraðili eða -yfirvald (nafn og heimilisfang)	
7. Framleiðandi eða vinnslustöð framleiðsluvöru (nafn og heimilisfang)	8. Sendingarland	
	9. Viðtökuland:	
10. Fyrsti viðtakandi í Bandalaginu (nafn og heimilisfang)	11. Nafn og heimilisfang innflytjanda	
12. Merki og númer. Gámanúmer. Fjöldi og tegund. Viðskiptaheiti framleiðsluvöru	13. SAT-númer	14. Uppgefið magn
	<p>15. Yfirlýsing stofnunar eða yfirvalds sem gefur út vottorðið sem um getur í reit 1.</p> <p>Það vottast hér með að vottorð þetta er gefið út á grundvelli tilskilins eftirlits skv. 4. mgr. 4. gr. reglugerðar (EB) nr. 1788/2001 og að framangreindar framleiðsluvörur eru framleiddar eftir reglum um framleiðslu og skoðun á lífrænum framleiðsluaðferðum er teljast jafngilda ákvæðum reglugerðar (EBE) nr. 2092/91.</p> <p>Dagsetning:</p> <p>Nafn og undirritun þar til bærst einstaklings <span style="float: right;">Stimpill útgáfuyfirvalds eða -stofnunar</span></p>	

<p>16. Yfirlýsing lögbærs yfirvalds aðildarríkis að Evrópusambandinu, sem veitti leyfið, eða aðila sem yfirvaldið tilnefnir.</p> <p>Það vottast hér með að leyfilegt er að markaðssetja framangreindar framleiðsluvörur í Evrópubandalaginu í samræmi við málsmeðferðina í 6. mgr. 11. gr. reglugerðar (EBE) nr. 2092/91 samkvæmt því tilvísunarnúmeri sem er tilgreint í reit 4.</p>	
Dagsetning:	
Nafn og undirritun þar til bærs einstaklings	Stimpill lögbærs yfirvalds eða tilnefnds aðila í aðildarríki
<p>17. Sannprófun viðkomandi yfirvalda aðildarríkis á vörusendingu.</p> <p>Aðildarríki: .....</p> <p>Innflutningsskráning (tegund, númer og dagsetning tollskýrslu og skrifstofan þar sem hún er gefin):</p> <p>Dagsetning: .....</p>	
Nafn og undirritun þar til bærs einstaklings	Stimpill
<p>18. Yfirlýsing fyrsta viðtakanda</p> <p>Það vottast hér með að tekið var við vörunum í samræmi við ákvæði 7. liðar C-þáttar III. viðauka við reglugerð (EBE) nr. 2092/91.</p>	
Heiti fyrirtækisins	Dagsetning:
Nafn og undirritun þar til bærs einstaklings	

*Athugasemdir*

- Reitur 1: Yfirvald eða aðili eða annað tilnefnt yfirvald eða aðili sem um getur í 3. mgr. 4. gr. reglugerðar (EB) nr. 1788/2002. Þessi aðili fyllir einnig út reit 3 og 15.
- Reitur 2: Hér eru tilgreindar þær EB-reglugerðir er varða útgáfu og notkun þessa vottorðs. Með tilliti til 11. gr. reglugerðar (EBE) nr. 2092/91 skal tilgreina viðkomandi ákvæði: 1. eða 6. mgr. 11. gr.
- Reitur 3: Raðnúmer vottorðs sem útgáfustofnun eða -yfirvald úthlutar í samræmi við 4. mgr. 4. gr. reglugerðar (EB) nr. 1788/2001.
- Reitur 4: Leyfisnúmer við innflutning skv. 6. mgr. 11. gr. Útgáfustofnun fyllir út þennan reit eða innflytjandi ef upplýsingar liggja ekki fyrir þegar útgáfustofnunin áritar reit 15.
- Reitur 5: Nafn og heimilisfang útflytjanda.
- Reitur 6: Skoðunaryfirvald eða -aðili sem hefur eftirlit með því að síðasta aðgerð (framleiðsla, undirbúningur, þ.m.t. pökkun og merkingar, sem er skilgreint í 2. og 3. mgr. 4. gr. reglugerðar (EBE) nr. 2092/91), hafi verið í samræmi við reglur um lífrænar framleiðsluaðferðir í þriðja sendingarlandi.
- Reitur 7: Rekstraraðili sem sá um síðustu aðgerð (framleiðslu, undirbúning, þ.m.t. pökkun og merkingar, sem er skilgreint í 2. og 3. mgr. 4. gr. reglugerðar (EBE) nr. 2092/91) á vörusendingunni í þriðja landi sem er tilgreint í reit 6.
- Reitur 9: Með ákvörðunarlandi er átt við land fyrsta viðtakanda í Bandalaginu.
- Reitur 10: Nafn og heimilisfang fyrsta viðtakanda vörusendingar í Bandalaginu. Með fyrsta viðtakanda er átt við einstakling eða lögaðila sem tekur við vörusendingunni og þar sem vörusendingin verður meðhöndluð fyrir frekari undirbúning og/eða markaðssetningu. Fyrsti viðtakandi skal einnig fylla út reit 18.
- Reitur 11: Nafn og heimilisfang innflytjanda. Með innflytjanda er átt við einstakling eða lögaðila í Evrópubandalaginu sem setur, annaðhvort sjálfur eða fyrir milligöngu fulltrúa síns, vörusendingu í frjálssa dreifingu í Evrópubandalaginu.
- Reitur 13: Númer viðkomandi framleiðsluvara samkvæmt sameinuðu tollnafnaskránni.
- Reitur 14: Uppgefið magn, tilgreint í viðeigandi einingum (kg, lítrum o.s.frv.).
- Reitur 15: Yfirlýsing stofnunar eða yfirvalds sem gefur út vottorðið. Undirskrift og stimpill skulu vera í öðrum lit en prentletrið.
- Reitur 16: Eingöngu að því er varðar innflutning samkvæmt málsmeðferðinni sem mælt er fyrir um í 6. mgr. 11. gr. reglugerðar (EBE) nr. 2092/91. Fyllist út hjá lögbæru yfirvaldi í aðildarríkinu, þar sem leyfið er veitt, eða hjá stofnun eða yfirvaldi, sem það hefur verið falið, hafi umboð verið veitt í samræmi við 8. mgr. 4. gr. reglugerðar (EB) nr. 1788/2001. Fyllist ekki út ef um er að ræða undanþágu skv. 9. mgr. 4. gr. reglugerðar (EB) nr. 1788/2001.
- Reitur 17: Fyllist út hjá viðkomandi yfirvaldi aðildarríkis, annaðhvort við sannpröfun vörusendingar í samræmi við 1. mgr. 4. gr. eða áður en undirbúningur eða skipting fer fram við þær aðstæður sem um getur í 5. gr. reglugerðar (EB) nr. 1788/2001.
- Reitur 18: Fyllist út hjá fyrsta viðtakanda þegar hann hefur tekið við framleiðsluvörum og sinnt því eftirliti sem kveðið er á um í 7. lið C-þáttar III. viðauka við reglugerð (EBE) nr. 2092/91.



*II. VIÐAUKI*

**FYRIRMYND AÐ ÚTDRÆTTI ÚR SKOÐUNARVOTTORÐI**

Fyrirmynd að útdrætti er ákvörðuð með tilliti til:

- texta,
- sniðs,
- útlits og stærðar einstakra reita.

EVROPUBANDALAGIÐ  
ÚTDRÁTTUR Nr. ... ÚR SKOÐUNARVOTTORÐI

1. Stofnun eða yfirvald sem gefur út skoðunarvottorð sem liggur til grundvallar (nafn og heimilisfang)	2. Reglugerð ráðsins (EBE) nr. 2092/91 og reglugerð framkvæmdastjórnarinnar (EB) nr. 1788/2001  1. mgr. 11. gr. <input type="checkbox"/> eða 6. mgr. 11. gr. <input type="checkbox"/>	
3. Raðnúmer skoðunarvottorðs sem liggur til grundvallar	4. Tilvísunarnúmer leyfis skv. 6. mgr. 11. gr.	
5. Rekstraraðili sem skipti upprunalegu vörusendingunni í framleiðslulotu (nafn og heimilisfang)	6. Skoðunaraðili eða -yfirvald (nafn og heimilisfang)	
7. Nafn og heimilisfang innflytjanda upprunalegu vörusendingarinnar	8. Sendingarland upprunalegu sendingarinnar	9. Uppgefið heildarmagn upprunalegu sendingarinnar
10. Viðtakandi framleiðslulotu sem verður til við skiptingu (nafn og heimilisfang)		
11. Merki og númer. Gámanúmer. Fjöldi og tegund. Viðskiptaheiti framleiðslulotu.	12. SAT-númer	13. Uppgefið magn framleiðslulotunnar
<p>14. Yfirlýsing viðkomandi yfirvalds aðildarríkis sem áritar vottorðið.</p> <p>Þessi útdráttur á við um framangreinda framleiðslulotu sem verður til við skiptingu vörusendingar sem fellur undir upprunalegt skoðunarvottorð með raðnúmeri sem tilgreint er í reit 3.</p> <p>Aðildarríki: .....</p> <p>Dagsetning: .....</p> <p>Nafn og undirritun þar til bær einstaklings <span style="float: right;">Stimpill</span></p>		
<p>15. Yfirlýsing viðtakanda framleiðslulotunnar</p> <p>Það vottast hér með að tekið var við framleiðslulotunni í samræmi við ákvæði 6. liðar B-þáttar III. viðauka við reglugerð (EBE) nr. 2092/91.</p> <p>Heiti fyrirtækisins</p> <p>Dagsetning:</p> <p>Nafn og undirritun þar til bær einstaklings</p>		

*Athugasemdir*

- Útdráttur nr. ...: Númer útdráttarins svarar til númers framleiðslulotu sem verður til við skiptingu á upprunalegu vörusendingunni.
- Reitur 1: Heiti stofnunar eða yfirvalds í þriðja landi sem gaf út skoðunarvottorðið sem liggur til grundvallar.
- Reitur 2: Hér eru tilgreindar þær EB-reglugerðir er varða útgáfu og notkun þessa útdráttar. Með tilliti til 11. gr. skal tilgreina innflutningsfyrirkomulag upprunalegrar vörusendingar, sjá reit 2 á skoðunarvottorðinu sem liggur til grundvallar.
- Reitur 3: Raðnúmer vottorðs, sem liggur til grundvallar, sem útgáfustofnun eða -yfirvald úthlutar í samræmi við 4. mgr. 4. gr. reglugerðar (EB) nr. 1788/2001.
- Reitur 4: Tilvísunarnúmer leyfis sem er veitt skv. 6. mgr. 11. gr. reglugerðar (EBE) nr. 2092/91, sjá reit 4 á skoðunarvottorðinu sem liggur til grundvallar.
- Reitur 6: Skoðunaraðili eða -yfirvald sem hefur eftirlit með þeim rekstraraðila sem skipti vörusendingunni.
- Reitur 7, 8, 9: Sjá viðeigandi upplýsingar á skoðunarvottorðinu sem liggur til grundvallar.
- Reitur 10: Viðtakandi framleiðslulotu (sem verður til við skiptingu) í Evrópubandalaginu.
- Reitur 12: Númer framleiðslulotu viðkomandi framleiðsluvara samkvæmt sameinuðu tollnafnaskránni.
- Reitur 13: Uppgefið magn, gefið upp í viðeigandi einingum (kg, lítrum o.s.frv.).
- Reitur 14: Fyllist út hjá viðkomandi yfirvaldi aðildarríkis fyrir hverja framleiðslulotu sem verður til við skiptinguna sem um getur í b-lið 2. mgr. 5. gr. reglugerðar (EB) nr. 1788/2001.
- Reitur 15: Fyllist út þegar tekið er við framleiðslulotunni og viðtakandi hefur sinnt því eftirliti sem kveðið er á um í 6. lið B-þáttar III. viðauka við reglugerð (EBE) nr. 2092/91.
-